

Gvangjsih Minzcuz Bau

Guenjbanh: Gvangsiah Bouxcuengh Swcigih Minzcuz Cunghgyau Swvu Veijyenzei Okbanj: Gvangsiah Minzcuz Bause Geiz neix 8 banj
广西民族报 Aenhauh okbanj: CN45-0036 B.2022 Nd.2 Ng.16 Liggaueq nyaemzyinz nienz ndwencieng cibroek Geizsoq: Gungh daih 3511 geiz

Liuz Ningz Youq Nanzningz Si Diuyenz 刘宁在南宁市调研

2 nyied 12 hauh, Swcigih Dangj-veij suhgi, Swcigih Yinzda Cangz-veijvei cujyin, Swcigih Yizcingz Fangzungun Gunghcoz Lingjdaui Siuj-cuj cujjangj Liuz Ningz youq Nanzningz Si genjcaz vixyinx hong yawhfuengz guenjhanh binghraq, caemhcaiq bae diuyenz hong hwngfat canjnieb, hwnqguh hanghmoeg daengj. Liuz Ningz giengzdiuh, Nanzningz Si aeu haeujlaeg hag rox gij yiyei giendingh “song aen laebdingh”, gagrox demgiengz “seiq aen eiqsik”, giendingh “seiq aen gagsaenq”, guh daengz “song aen henhoh”, gohyoz dungjcouz yawhfuengz guenjhanh binghraq caeuq ginghci ndawbiengz hwngfat, cienzmienh gvancez doek-saed gij cingsaenz gangjavah youqgaenj “4·27”. Siz Ginbingz cungsuhgi cazyawj Gvangsiah caeuq gij iugouz ciji youqgaenj baenzroix naeuz hong

Gvangsiah, giengiet guh ndei gak hangh hong yawhfuengz guenjhanh binghraq, baujmaenh geiqdoh nduj ndaej “haidou onj” “haidou nding”, giet sim comz rengz cauhaeb aen Gvangsiah gyaundeisei cujyi miz daegsaek Cungguk seizdaih moq, yungh hengzdoengh saedsaeh caeuq cingzcik maenhndei angqcoux Ngeihcib Daih Dangj hai ndaej baenz.
Youq Aen Cungsim Yawhfuengz Guenjhanh Binghvanh Nanzningz Si, Liuz Ningz nyinhcaen dingq gij bauqlwnh hong liuzdiuh caeuq yawhfuengz guenjhanh binghraq Nanzningz Si, daengz dieg genjcaz hong niemhdingh aeuyienh hwzsonh binghdoeg sinhgvanh daengj. Liuz Ningz naeuz, gyoengq vunz guh hong guenjhanh binghraq cwzyin naek, aeu genhciz beksingq youq baihnaj, sengmingh

youq baihnaj, caenh’itbough giengzvaq cwzyin dangrap, cungfaen fatok cien-nieb ciznwnz caeuq gijndei gisuz, giengiet gatduenh diuzlien cienzlah binghraq.
Gvangsiah Daihseiq Dicizdui Sahcingj Gihdi swnghhoz siujgih miz baux daj Bwzswz gvaqdaej baenz binghraq sinhgvanh gvaq, seizneix cingq funguenj, Liuz Ningz daengz dieg genjcaz vixyinx hong segih guenjhanh caeuq gij cingzgvang bauj-cang vunzlai gvaq ndwenngoenz, yawjngonz gyoengq vunz guh hong yawhfuengz guenjhanh binghraq itsienq, muengh caezgya gyagiengz fuengzhoh bonjfaenh, baujmaenh ancienz, cietsaed ca ndei guenjelex caeuq fugsah diegguenjhanh caeuq vunzlai gekliz, caez sim caez rengz guh ndei hong yawhfuengz guenjhanh binghraq.

Youq Cwngzyui Gvanghyoz (Nanzningz) Mizhanh Gunghswh, Nanzningz Gozci Gunghgangj Cung-hab Gyaudoeng Suhniuj Hwzsinhgih hanghmoeg yienhciegz, Liuz Ningz ciengzsaeg roxyiuj doenghgij cingz-gvang gauhsinh gisuz giyez hwngfat, Nanzningz Linzungunh Ginghci Sifangih caeuq hanghmoeg hungnaek guh ndaej baenzlawz yiengh daengj. Liuz Ningz naeuz, aeu caezcienz, cinjdeng, cienzmienh gvancez leix-niemh hwngfat moq, ciengica hwngfat seizgei, haeujlaeg hengzguh aen canloz ak soujfuj, haenqrengz doi-caenh canjnieb saenqhwngh, doedok hwnqguh hanghmoeg hangh neix, caenh’itbough demgiengz rengzlaeng ginghci hwngfat.
Ciz Haijyungz, Couh Yigez daengj bae buenx diuyenz.
(Cinz Yizcwz)

Gangj Vahdeihfueng Bangrengz Senhconz Fuengz Binghraq

方言宣传助防疫

Mboengqneix, Dunghlanz Yen Sanhlung Yauzcuz Yangh cauhoq senhconz fuengsik, yungh vahdeihfueng bae guh senhconz, gyoengq bouxguhghong guh senhconz gangj Vahgveiliuj, Vahcuengh, Vahyauz daengj, hawj bouxlaux lwgnyez cungj dingq ndaej rox, hawj gij cihsiz yawhfuengz binghraq haeuj uk haeuj sim vunzlai, gyalai rengz senhconz yawhfuengz guenjhanh binghraq. Ndawdoz dwg bouxguhghong cingq yungh vahdeihfueng senhconz baenzlawz yawhfuengz binghraq.
(Loz Canghswng Veiz Yilaiz ingi)



《Yenzgiu Cih saw Sawloih〈Hoiz Gej Ingjyaenq Sawmo Baeugroxdoh Bouxcuengh〉》Okbanj 《〈壮族麽经布洛陀影印译注〉文字词汇研究》出版

Bonjbauq siusik (gicej Cau Dwzfeih) Mboengqneix ndawguek bouh daih’it cienzmienh cingjleix yenzgiu Sawndip caeuq sawloih ndaw cek saw《Hoiz Gej Ingjyaenq Sawmo Baeugroxdoh Bouxcuengh》——《Yenzgiu Cih saw Sawloih〈Hoiz Gej Ingjyaenq Sawmo Baeugroxdoh Bouxcuengh〉》okbanj. Cek saw neix dwg aen duenzdoih Vangz Nanzginh gyausou Gvangsiah Dayoz ginggvaq cib lai bi yenzgiu gij saw ciuhgeq ndaej okdaej,

youz Gvangsiah Gyauyuz Cuzbanjse okbanj.
《Hoiz Gej Ingjyaenq Sawmo Baeugroxdoh Bouxcuengh》dwg gij vwnzyen Sawndip cei lai seizneix yungh fuengfap yiemzmaed cingjleix sawgeq cingjleix okbanj, hix dwg gij saw youqgaenq roxyiuj caeuq yenzgiu lizsij vwnzva Bouxcuengh. Vangz Nanzginh gyausou caeuq aen duenzdoih de daj 2005 nienz couh hainduj diucaz yenzgiu gij vwnzyen fwngzcau caeuq Sawndip ndawbiengz Bouxcuengh, caemhcaiq cungdenj cingjleix yenzgiu《Hoiz Gej Ingjyaenq Sawmo Baeugroxdoh Bouxcuengh》. Daj hainduj yungh fwngz cau cih Sawndip, daengz gag sezgi cau cih saw, cau cang cih saw gisongih, yungh sugigu gyoepsuenq faenzbonj, Vangz Nanzginh gyausou caeuq aen duenzdoih de cienzmienh cingjleix caeuq cunghab yenzgiu yaenglnh faenloih lijln yiengh cih saw Sawndip, saenqsikvaq cawqleix, gyoepsuenq soqgawq cih saw sawloih, sawloih doxbeij, faensik

eiqsei sawloih caeuq vwnzva hamzmiz, faensik cek vwnzyen fwngzcau Bouxcuengh, Cuengh Gun doiq hoiz daengj.
Ciuq cam rox,《Yenzgiu Cih saw Sawloih〈Hoiz Gej Ingjyaenq Sawmo Baeugroxdoh Bouxcuengh〉》dwg aen hanghmoeg aeu cienzngeanz cienmonz coengh okbanj saw minzcuz caeuq aen hanghmoeg dajveh geizlaeng bangcienz gij cwngzgoj maenhndei gohyenz saw vah Guekgia Yijveij.